

Ս. Մ. ԿՐԿՅԱՇԱՐՅԱՆ

Սինդկատները տարածված երևույթ էր հատկապես հիլլենիստական ժամանակաշրջանում: Բայց այն որակապես տարբերվում էր մինչհիլլենիստական, դասական շրջանի համապատասխան երևույթից: Եթե նախկինում սինդկատները տեղի էր ունենում տարերայնորեն, ապա հիլլենիզմի շրջանում այն լայնորեն կիրառում էին իրենք միասնատեները: Երանք նախընտրում էին իրենց տիրապետության տակ ունենալ մի քանի խոշոր քաղաքներ, քան թե մեծ թվով փոքրեր: քաղաքներ, որոնք ոչ միայն սոցիալ-տնտեսական, ուղղմական ու քաղաքական հենարան լինեին իրենց համար, այլև նպաստեին իրականացնելու տնտեսական վերահսկողությունը ագրարային լայնարձակ այն տերիտորիայի (շառժ) վրա, որի վաթական կենտրոնը հանդիսանում էր սովյալ քաղաքը:

¹ Strabo, *Geographica*, recogn. A. Meineke, vol. I—III, Lipsiae, 1915—1925, VIII, 3, 2 (C. 336—337); *Idem*, *ibidem* Strabo, VIII, 3, 15 (C. 344);

Սինոյկիսմոսի, այն է՝ վերարենակեցումով փոքր քաղաքներից մի մեծ քաղաք հիմնելու միջոցով թագավորները հետապնդում էին հիմնականում տնտեսական նպատակներ: Փոքր քաղաքները իրենց սահմանափակ նյութական միջոցներով և ոչ մեծ թվով ազգարենակչությամբ տառապում էին խրոնիկական տնտեսական ու ֆինանսական ճգնաժամով և ամբողջությամբ վերցրած ի վիճակի չէին թագավորների համար ապահովելու կայուն տնտեսական բազա²: Հելլենիստական ժամանակաշրջանում տեղի ունեցած քաղաքների միաձուլման բազմաթիվ դեպքերից մենք կսահմանափակվենք սոսկ մի քանիսի՝ ամենաբնորոշների քննությամբ, որոնցում ավելի հստակ կերպով է բացահայտվում սինոյկիսմոսի պրոցեսն ու նպատակը:

Բնակչության բոնի և զանգվածային զաղթեցման ու նոր քաղաքում վերարենակեցման միջոցով կատարվող սինոյկիսմոսը կիրառվում էր ղեկավարողը Մակեդոնացու կենդանության ժամանակ: Արևելքում Ալեքսանդր Մակեդոնացին և նրա հետնորդները սինոյկիսմոսը, բնակչության զանգվածային տեղափոխումը կիրառում էին արևելյան ժողովուրդներին և հունամակեդոնական զաղթարարներին միաձուլելու, երկրում «*ἑσθλότητα*» — համամտություն, համերաշխություն ձևեր, բերելու, «կյանքն ու բարքերը, կենցաղն ու ամուսնությունը միախառնելու» նպատակով:

Հելլենիստական ժամանակաշրջանի ամենավաղ սինոյկիսմոսներից մեկը, որ անց էր կացնում, բայց չկարողացավ մինչև վերջ հասցնել Անտիոքոսը, հանդիսանում է փոքրասիական երկու ոչ մեծ քաղաքների՝ Տեոսի և Լերեդոսի սինոյկիսմոսը: Այդ մասին հանգամանալից վկայություններ են պահպանվել Փոքր Ասիայում հայտնաբերված երկու արձանագրություններում: Իրանք թագավոր Անտիոքոսոս Միականու երկու նւմակ-հրամաններն են՝ ուղղված Տեոս քաղաքին:

Անտիոքոսի հրահանգ-նամակներից առաջինը վերաբերում է այդ սինոյկիսմոսի հետ կապված հետևյալ հարցերին՝ 1. Լերեդոսի բնակիչների տեղափոխումն Տեոս, 2. փոխադրվողների ապահովումը բնակարանով ու հողակտորով, 3. պարտքերի մոտում, 4. հացահատիկի վաճառք վերարենակիչներին, 5. քաղաքացիական իրավունքի, այն է՝ նոր քաղաքի կոնստիտուցիայի հարցը: Երկրորդ հրահանգ-նամակը վերաբերում է սինոյկիսմոսի կիրառման բնթացքում ձեռնարկվելիք ֆինանսական և կազմակերպչական միջոցառումներին: Վերոհիշյալ հրահանգների տվյալներով այդ սինոյկիսմոսը ներկայանում է ոչ որպես Անտիոքոսի պատահական քմահաճույքը, այլ հանդիսանում էր պլանավորված միջոցառում, որը պետք է կենսագործվեր երեք տարվա ընթացքում (*ἐν ἐπταετηρείᾳ*)³:

Ստրաբոնը խոսելով նույն Անտիոքոսի ձեռնարկած մի ուրիշ սինոյկիսմոսի մասին վկայում է, թե մշտական թշնամություն և պատերազմ կար փոքրասիական երկու հարևան քաղաքների՝ Կերքենեի և Սկևպսիսի բնակիչների միջև: Անտիոքոսը փորձեց լուծել այդ վիճը, բայց յուրովի՝ նա տեղափոխեց

² M. I. Rostovtzeff, *The Social and Economic History of the Hellenistic World* (այսուհետև կրճատ՝ SEHW), Oxford, 1941, էջ 153:

³ Diodor, *Bibliotheca Historica*, vol. I—V, Lipsiae, 1866—1868, XVIII, 4, 4.

⁴ P. L. A. T. De Fortuna Alexandri Magni, I, 6.

⁵ C. B. Welles, *Royal Correspondence in the Hellenistic Period*, New Haven, 1934, 3, 15.

(ΣΥΝΘΥΣΣΕΝ) այդ երկու քաղաքների բնակիչներին իր նոր հիմնադրած Անտի-դոնևա քաղաքը՝ Իսպոսի մոտ 301 թ. նրա կրած պարտությունից հետո, հաղթանակ տարած կռաւիցիայի անդամներից Լիսիմաքոսը վերանվանեց այդ քաղաքը Ալեքսանդրիա Տրոյայում: Ստրաբոնի օրոք այդ քաղաքը ղեկնս ղոյություն ուներ և կոչվում էր նույնպես Ալեքսանդրիա: Այնտեղ հիմնականում մնացել էին ուրիշների հետ միասին նաև Կերքենեի նախկին բնակիչները (Κεργυνιῆς, Σαλαμίνος, Τροίανος): Թեև ում է նկատի ունեցել Ստրաբոնը «Τροίανος Σαλαμίνος» — ուրիշների — արտահայտությամբ, երևում է Ստրաբոնի մի ուրիշ հաղորդումից: Դրանք մոտակայքում գտնված քաղաքների նախկին բնակիչներն էին: «Այդ փոքր քաղաքները (Ստրաբոնը թվում է վեց Τροίανος — II, 4.), ինչպես նաև ամրացված մյուս վայրերից (Σαλαμίνος) շատերը միաձուլվեցին Ալեքսանդրիային: Դրանց թվում են Կերքենեն և Նեանդրիան: Ալեքսանդրիացիները տիրապետում են նաև այդ քաղաքների հողերը»⁶: Ինչ վերաբերում է Սկևսի քաղաքից վերաբնակեցվածներին, ապա Ստրաբոնը հաղորդում է, որ նրանք շուտով, Լիսիմաքոսի թուլլությունից, վերադարձան իրենց քաղաքը: Այս կապակցությամբ պրոֆ. Ա. Բ. Թանուլիշը իրավացիորեն նշում է, թե «սինոյկիսմոսը չէր նշանակում նոր կենտրոն տեղափոխված բնակավայրերի ֆիզիկական ոչնչացում. դրանք սոսկ ղեկավարացիա էին անցնում, կորցնելով իրենց քաղաքական ինքնուրույնությունը, և երբեմն վերածվում էին գյուղական վայրերի» (xωριάς)⁷: Սինոյկիսմոսը վերջ չգրեց նաև Սկևսիսի ղոյությանը որպես ինքնուրույն քաղաքի. հետագա դարերում մի շարք քաղաքական և մշակութային զործիչներ հիշատակվում են իբրև Սկևսիս քաղաքի բնիկներ, ինչպես, օրինակ, Տիգրան Բ-ի պատմության հեղինակ Մետրոդորոս Սկևսացին:

Ստրաբոնի հաղորդման մեջ առանձին հետաքրքրություն են ներկայացնում նրա խոսքերն այն մասին, թե ալեքսանդրիացիները տիրում են հիշյալ քաղաքներից տեղափոխված բնակիչների հողերը: Պետք է ենթադրել, որ յուրաքանչյուր վերաբնակվողի, որը նախապես իր քաղաքում տիրում էր որոշակի հողակտորի, հնարավորություն էր տրվում հետագայում ևս իր ձեռքում պահել այն: Վերաբնակվելուց հրաժարվելու դեպքում այդ հողակտորը բռնադրավում էր թագավորի կողմից: Նման միջոցառումը ոմանց ստիպում, մյուսներին խթանում էր վերաբնակվելու նոր քաղաքում:

Հելլենիստական թագավորները միշտ չէ, որ բռնություն էին գործադրում սինոյկիսմոսի կենսագործման և նոր քաղաքների բնակեցման ժամանակ: Նրանք երբեմն ձգտում էին նյութական շահագրգռվածության միջոցով ապահովել բնակիչների համակրանքը, որպեսզի նրանցով բնակեցնեն այս կամ այն քաղաքը: Այդպես է վարվել, օրինակ, Անտիոքոս Գ-ն Լիսիմաքիա քաղաքի վերականգնման ժամանակ: «Նա միայն ճշգրիտ անցնելիս, — գրում է Ապպիանոսը, — նա (Անտիոքոս Գ-ն — II, 4.) շարժվեց Թրակիայի վրա և ուժով հպատակեցրեց իրեն ենթարկվել շուգույ ցեղերին: Նա ամրացրեց Խերսոնեսը և բնակչությամբ լցրեց Լիսիմաքիան, որ հիմնել էր Լիսիմաքոսը... որպեսզի այն իր համար հանդիսանար ամրացված կետ թրակիացիների դեմ: Իսկ թրակիացիները, երբ Լիսիմաքոսը մեռավ, կործանեցին այն: Եվ ահա Անտիոքոսը

⁶ Strabo, XIII, 1, 33 (C. 597).

⁷ Նույն տեղում, 47 (C. 604).

⁸ А. Б. Ранович, Эллинизм и его историческая роль, М.—Л., 1950, էջ 99:

սկսեց բնակչությանը լցնել այն, Լիսիմաքոսի տիրույթներն ապաստանած փախստականներին ետ կանչելով, ստրկացված զերիներին ետ զնելով, նրանց թվին ուրիշներն ավելացնելով, նրանց եզներ, ոչխարներ և երկրագործություն համար երկաթյա գործիքներ տալով և ոչինչ աչքաթող չանելով, որպեսզի արագ կերպով կարողանար ամրացնել քաղաքը»:

Իր աշխատության մեջ Ստրաբոնը պատմում է վաղ հելլենիստական ժամանակաշրջանում տեղի ունեցած մեկ այլ սինոյկիսմոսի մասին, որը անց էր կացրել ոչ թե հույն կամ մակեդոնացի տիրակալը, այլ պարսկական արքունիքի շատավիդններից մեկը՝ Դարեհ Քոդոմանի եղբոր աղջիկ Ամաստրիսը Պաֆլագոնիայում, Պոնտական Հերակլեա քաղաքի մոտ: Այստեղ հետաքրքիրն այն է, որ Ամաստրիս նոր քաղաքը կազմվում էր ոչ թե քաղաքները, այլ գյուղական բնակավայրերը մի քաղաքային համայնքի մեջ միաձուլելու միջոցով (εκατετέτατο καὶ πόλιν)⁹: Եթե քաղաքների միաձուլման բնթացքում տեղափոխվող բնակիչները հնարավոր է որ դժգոհած լինեին, ապա Ամաստրիսի ձեռնարկած սինոյկիսմոսի դեպքում գործը համեմատաբար հեշտ է գլուխ եկել, քանի որ նոր քաղաք կազմող գյուղական բնակավայրերը, քաղաք դառնալուց հետո, ստանում էին քաղաքային ինքնավարության ստատուս: Դրանով իսկ նախկին գյուղավայրերի բնակիչները (καὶ οἱ κάτοικοι) վեր էին անցնում քաղաքացիների և օգտվում այն նույն արտոնություններից, ինչ ուրիշ քաղաքների քաղաքացիները: Հետևաբար, բնակիչներն իրենք անմիջականորեն չահազդողված էին նպաստելու այդ սինոյկիսմոսի կենսագործմանը:

Քերված օրինակներից պարզ է դառնում, որ սինոյկիսմոսը հանդիսանում էր հելլենիստական թագավորների քաղաքաշինական գործունեության զիսավոր օղակներից մեկը:

Հայաստանում ես նոր քաղաքներ կառուցելը հայ թագավորներին կանգնեցնում էր անհետաձգելի մի խնդրի՝ այդ քաղաքները անհրաժեշտ բնակչություն հավաքելու խնդրի լուծման առաջ: Պատմական հանգամանքների բերումով նրանք երկու կարգի հնարավորություն ունեին այդ խնդիրը լուծելու համար՝ 1. հարևան (երբեմն նույնիսկ հեռավոր) երկրներ արշավելով՝ այնտեղից բնակիչներին բռնի կերպով տեղափոխել Հայաստան և բնակեցնել նորակառույց քաղաքում. 2. երկրի ներսում բնակիչներին նախկին բնակավայրերից տեղափոխել Գնականության նոր վայրեր:

Եթե քաղաքները բնակչությանը ապահովելու վերոհիշյալ եղանակներից առաջինը բնորոշ էր հայկական թագավորության սկզբնական շրջանի համար (Երվանդունիներ և Արտաշեսյաններ), ապա երկրորդ եղանակը հատկանշական էր Արշակունյաց թագավորության ժամանակաշրջանի համար: Եվ դա ուներ իր օրյակտիվ պատճառները: Արտաշեսյանների ժամանակ Հայաստանի տիրակալների համար արտաքին նվաճումների միջոցով իրենց տերության սահմանները բնդարձակելու միջազգային բարենպաստ պայմաններ ստեղծվեցին: Հոռմը ծանրագույն հարված հասցնելով Սելևկյան տերությանը, նրան համարյա դուրս էր մղել Փոքր Ասիայից, իսկ իներ՝ Հոռմը, դեռևս հնարավորություն չունեի հաստատուն ոտքերով կանգնելու այն երկրներում, որտեղից դուրս էին մղվել Սելևկյանները: Դրանով իսկ Մերձավոր Արևելքի մի շարք երկրների տիրակալների համար հնարավորություն էր ստեղծվել փորձեր անե-

⁹ Strabo, XII, 3, 10 (C. 544).

լու իրենց տիրույթներն ընդարձակելու ուղղությամբ: Ահա այդ շրջանում էր, որ Արտաշեսյանները (Արտաշես, Տիգրան Բ, մասամբ Արտավազդ Բ), օգտվելով հարմար առիթից, արշավանքներ են ձեռնարկում հարևան երկրներ և, բնակիչներին դերևվարելով, բնակեցնում Հայաստանի նորակառույց քաղաքներում: Հետագայում հայ Արշակունիները, սեղմված լինելով մի կողմից իր հզորության դադաթնակետին հասած Հռոմի և մյուս կողմից օր-օրի բարձրացող Պարթևական (հետագայում՝ Սասանյան) պետության միջև, ամբողջովին հրաժարվեցին արտաքին նվաճումներից և նոր քաղաքներ կառուցելիս ստիպված էին արդեն շարժման մեջ դնել երկրի ներքին հնարավորությունները: Դրանով էլ մեծապես կարելի է բացատրել այն հանգամանքը, որ Արշակունիները առանձնապես չփայլեցին որպես քաղաքաշինարարներ: Այնուամենայնիվ, ինչպես ցույց կտրվի ստորև,¹⁰ Հայաստանում նորակառույց քաղաքները ազդարնակչությամբ ասպնջվելու վերոհիշյալ երկու եղանակներն էլ չէին տարբերվում հելլենիստական Արևելքի մյուս երկրներում նոր քաղաքներ կառուցելիս թագավորների ձեռնարկած սինոյկիսմոսից:

Ուրիշ վայրերից մարդկանց նոր քաղաքներ փոխադրելը Հայաստանում կիրառվել է դեռևս առաջին Արտաշեսյանների ժամանակ, հայկական պետականության կազմավորման առաջին իսկ շրջանում: Ստրաբոնը նշում է, որ Արտաշեսը, իրեն Մեծ Հայքի թագավոր հռչակելուց հետո, հարևան մի շարք գավառներ միացնելով իր երկրին, ընդարձակեց իր տերության սահմանները: Նորաստեղծ թագավորության համար անհրաժեշտ էր նորակառույց մայրաքաղաք: Ուստի Արտաշեսը, հետևելով Փոքր Ասիայի հելլենիստական թագավորների օրինակին, կառուցում է Արտաշատը: Այս միջոցառումը կրարձրացնելը Հայաստանի թագավորի հեղինակությունը միջազգային ասպարեզում, միաժամանակ նորաստեղծ քաղաքը կդառնար վարչա-տնտեսական ամուր հենարան երկրի ներսում: Կարծում ենք, թե չի սխալվել Հրանտ Արմենը գրելով. «Արքայական վարկին ամրապնդման մտահոգությունը հավանաբար զլխավոր դրդապատճառը պետք էր եղած ըլլար քաղաք մը շինելու գաղափարին: Մեծագույն քաղաքը Հայաստանի, ուր արքունիքը հաստատվի, և որը, որպես մայրաքաղաք, երկրի ամեն կողմերին հոծ բազմություններ հրապուրի: Այսպիսի կեդրոնի մը ստվար բնակչությունը անտարակույս հավատարիմ պիտի ըլլար թագավորին և զորավիզ զառնար անոր իշխանության»¹⁰: Հայաստանի այս հնագույն մայրաքաղաքի կառուցման մասին մեր հիմնական աղբյուրները հրեքն են՝ Ստրաբոն, Պլուտարքոս և Խորենացի: Նրանք բոլորն էլ համամիտ են այն բանում, որ քաղաքը կառուցվել էր մինչ այդ անրնակ վայրում¹¹: Հետաքրքրական է, որ Ստրաբոնը քաղաքի բնակեցման մասին խոսելիս օգտագործում է *συναγωγή των λαών* — «լավ բնակեցված» արտահայտությունը: Բացառված չէ, որ Արտաշեսն այնտեղ բնակեցրած լինի իր թագավորությանը միացրած նոր երկրների բնակիչների մի մասին: Պլուտարքոսը ոչինչ չի ասում այն մասին, թե Արտաշեսն ինչպես բնակեցրեց իր նոր մայրաքաղաքը: Բայց Մ. Խորենացին ունի մի շարք հետաքրքիր վկայություններ,

¹⁰ Հրանտ Արմեն, Մեծ Տիգրան, Կափրե, 1957, էջ 20:

¹¹ Strabo, XI, 14, 5-6; Plutarchus, Lucullus, XXX, Vitae Parallelae, t. I, Lipsiae, 1914, «Մովսիսի Խորենացու Պատմութիւն Հայոց», Տիգրս, 1913, գիրք Բ, գլուխ ԽԹ:

որոնց հիման վրա կարելի է որոշ եզրակացությունների հանդեպ Ըստ հորե-
նացու, քաղաքը կառուցելուց հետո Արտաշեսը «կանգնեց ի նմա մեհեան և
փոխեց ի Բաղարանի գլխավորը և Կրտսեմի դայ և դամենայն կուսս հայրենիս»¹²,
նշանակում է՝ այնտեղ բնակվեցին առաջին հերթին քրմերն ու տաճարների
սպասավորները¹³։ Շարունակելով՝ պատմահայրը հաղորդում է, որ Արտա-
շեսը «յարուցանեց ի քաղաքին Երուսնդայ գլխավորին հրէիցն, որ փոխեալ էին
անդ յԱրմաւրայ, և նստուցանեց պնոսս յԱրտաշատ»¹⁴։ Անախորհիզման այստեղ
ակներև է։ Հրեաներին Հայաստան է բերել Տիգրան Բ-ն Երվանդ վերջինից և
Արտաշեսից հետո, այսինքն՝ Երվանդաշատի և Արտաշատի կառուցումից
հետո։ Հետևաբար, հնարավոր է երկու ենթադրություն. կամ Արտաշատ փո-
խադրվածները հրեաներ չէին, կամ էլ նրանք փոխադրվել են ավելի ուշ, ա-
սենք, Կորբուլունի կողմից քաղաքն ավերվելուց հետո, Տրդատ Ա-ի կողմից
վերակառուցվելու կապակցությամբ։ Այս վերջին ենթադրությունը մեզ ավելի
հավանական է թվում, քանի որ մեծ թվով հրեաների գոյությունը Արտաշա-
տում անժխտելի փաստ է¹⁵։ Տվյալ ղեկավարում մեզ համար կարևոր է ոչ թե
բնակիչների էթնիկական կազմը որոշելը, այլ նրանց տեղափոխման փաստը
ինքնին, որին զուգահեռ օրինակները մենք նշել ենք վերևում, հելլենիստական
Փոքր Ասիայում տեղի ունեցող սինոյկիսմոսների մասին խոսելիս։ Ինչպես
Փոքր Ասիայի հելլենիստական երկրներում տեղի ունեցած սինոյկիսմոսների
ժամանակ վերաբնակվողները թաղավորից ստանում էին որոշակի առանձ-
նաշնորհումներ, այդպես էլ, հավանական է, Արտաշատում վերաբնակվողնե-
րին Արտաշեսը շնորհում էր գանազան արտոնություններ, նրանց ղեկի նոր
կառուցվող քաղաքը հրապուրելու համար։ Այս ենթադրության օգտին խո-
սում են մատենագրական մի շարք կողմնակի վկայություններ։ Մ. հորենա-
ցին, օրինակ, վկայում է, որ Արտաշատը արագ կառուցվեց և այդ վերադրում
է այն բանին, որ «ձեռնառու լինի նմա (Արտաշեսին—Մ. Կ.) և Երասխ փայ-
տիւք մայրից. վասն որոյ անաշխատ և երաւ շինեալ...»¹⁶։ Բացառված չէ, որ
քաղաքի արագ կառուցման հիմնական խթանը հանդիսանային վերաբնակվող-
ներին թաղավորի շնորհած արտոնությունները, ասենք՝ վարելահող տրամա-
դրելը, հարկերից ազատելը և այլն։ Ինչ վերաբերում է հորենացու հաղորդման
վերջին մասին, ապա պիտի ենթադրել, որ թաղավորը, որի սեփականությունն
էին անտառները, թույլ էր տվել վերաբնակվողներին նոր շենքերի և բնակա-
րանների կառուցման ժամանակ անարդել օդովիլ անտառանյութից, որը փո-
խադրվում էր Արաքսի վրայով։

Քանի ղեկ Արտաշեսյանների թաղավորությունը պարփակված էր Մեծ
Հայքի բնակսն սահմանների մեջ, Արտաշատը մնում էր որպես երկրի միակ

¹² Մ ո վ ս ե ս հ ո ռ ե ն ա ջ ի, Բ, ԽԲ։

¹³ հորենացու այս վկայությանը հետաքրքիր մեկնություններ է տալիս Հրանա Արմենյանը
Հայ աստվածները Արտաշատ հաստատելով, — դրո՞ւմ է նա, — ինչպես նաև անոնց ի պատիվ
պաշտամունքի տոնական օրերը նշանակելով, թաղավորը փոխա՞հ էր, որ Հայաստանի ամեն
կողմերեն ուխտավորներ, առևտրականներ, մարդիկներ, արկածախնդիրներ և բախա ու ոսկե
որոնողներ պիտի գային իր քաղաքը և շատ շատեր հոն հասառեին իրենց բնակությունը...
(Հրանա Արմենյան, Մեծն Տիգրան, Կահիրե, 1957, էջ 22)։

¹⁴ Մ ո վ ս ե ս հ ո ռ ե ն ա ջ ի, Բ, ԽԲ։

¹⁵ Փ ա վ ս տ Ե ս Բ ո լ գ ա ն ղ, Պատմություն Հայոց, Վենետիկ, 1889, Գ, ԾԵ։

¹⁶ Մ ո վ ս ե ս հ ո ռ ե ն ա ջ ի, Բ, ԽԲ։

վարչա-տնտեսական և քաղաքական կենտրոնը և կարիք չէր զգացվում մի երկրորդ, զուգահեռ կենտրոն ստեղծելու: Տիգրան Բ-ի նվաճումների հետևանքով հայկական թագավորությունը դուրս եկավ իր բնական աշխարհագրական սահմաններից և որոշ ժամանակ հասավ մինչև Կիլիկիա, Միջերկրական ծով և Պաղեստին: Այդ պայմաններում էլ ահա Տիգրան Բ-ի համար ակներև է դառնում, որ մայրաքաղաք Արտաշատը, մնալով իր նորաստեղծ լայնածավալ պետության հյուսիս-արևելյան ծայրամասում, ի վիճակի չէր այդպիսի ընդարձակ տերության վարչա-տնտեսական կենտրոնին առաջադրվող դերը լրիվ կատարելու: Ըր արշավանքների ընթացքում Տիգրան Բ-ն տիրացավ Արև-վելյի մեծագույն քաղաքին՝ Սելևկյանների մայրաքաղաք Անտիոքին: Քաղաքը նվաճելուց հետո, հայոց արքան կարծես թե այնտեղ էր փոխադրելու իր տերության մայրաքաղաքը: Բայց այդպես չարեց: Անտիոքը ևս, Արտաշատի նման, աշխարհագրական տեսակետից չէր գտնվում տերության կենտրոնում: Այն ուներ մի այլ թերություն ևս, որ չունեի Արտաշատը՝ ամբողջ բնակչությունը օտար էր, ոչ հայ: Նոր մայրաքաղաքի հարցը լուծելու համար Տիգրան Բ-ի առաջ մնում էր մի ճանապարհ. այն է՝ հարմարագույն վայրում կառուցել մի նոր քաղաք և այն դարձնել իր տերության վարչա-տնտեսական ու մշակութային կենտրոնը: Այդպես էլ նա արեց, քանի որ դրա համար արդեն ուներ անհրաժեշտ բոլոր միջոցները՝ կառուցող վարպետներ, փող և քաղաքային բնակչություն: Այս բոլորը Տիգրան Բ-ն արդեն ձեռք էր բերել նախքան քաղաքի կառուցումն սկսելը իր արշավանքների ընթացքում: Որպես շինարարական գործի վարպետներ Տիգրանն անպայման օգտագործեց նվաճված Կորդոբի բնակիչներին, որոնց մասին Ստրաբոնն ուղղակի վկայում է, որ «համարվում էին լավագույն ճարտարապետներ և պաշարողական գործիքների վարպետ շինողներ: Ուստի նրանց հենց այդպիսի գործերի համար էլ օգտագործում էր Տիգրանը»¹⁸: Փող և այլ միջոցներ նա ձեռք էր բերել ոչ միայն Ասորիք, Կիլիկիա և Պաղեստին կատարած արշավանքների միջոցով, այլ նաև Միհրդատ Եվպատորի հետ համատեղ Կապադովկիայի վրա արշավելու ժամանակ, որի մասին Յուստինոսը հաղորդում է, թե երկու թագավորները «պայմանավորվել էին իրար հետ, որ քաղաքները և հողերը պատկանելու են Միհրդատին, իսկ մարդիկ և ինչ որ հնարավոր է տանել՝ Տիգրանին»¹⁹: Ունենալով այս բոլոր միջոցները, Տիգրանը ձեռնամուխ է լինում նոր մայրաքաղաքի կառուցմանը²⁰:

Փորձենք պարզել, թե ի՞նչ եղանակով այն կառուցվեց: Ե՛վ հայկական և օտար սկզբնաղբյուրներում Տիգրանակերտի կառուցման վերաբերյալ պահպանված վկայությունների մանրակրկիտ քննարկումը մեզ բերում է այն եզրակացության, որ այն կառուցվել է նույն եղանակով, ինչ Փոքր Ասիայի հել-

¹⁸ Strabo. XVI, 1, 24.

¹⁹ Justin., XXXVIII, 3, 1—15.

²⁰ 2. Աստուրյանը (Ռադաբական վերաբերությունները ընդմեջ Հայաստանի և Հռոմեաց, Վենետիկ, 1912, էջ 43) նկատում է, որ հունական աղբյուրները Տիգրանակերտը երբեք մայրաքաղաք չեն կոչել. նրանց համար Հայաստանի մայրաքաղաքը միշտ Արտաշատն է: Դուցե դա այն պատճառով, որ Տիգրանի կայսրությունը կարճատև եղավ, և հայոց թագավորը ժամանակ չունեցավ նորակառուց քաղաքը պաշտոնապես մայրաքաղաք հայտարարելու: Այսուհանդերձ, Տակիտոսի մոտ Տիգրանակերտը կոչված է մայրաքաղաք, թագավորանիստ (Tacit., Annal., XV, 6):

լենիստական քաղաքների զգալի մասը, այն է՝ սինոյկիսմոսի, այս ու այն բնակավայրի բնակիչներին բռնի նոր քաղաք տեղափոխելու եղանակով²¹։ Սկսենք նկարագրված դեպքերին ժամանակի տեսակետից ամենամոտ կանգնած Ստրաբոնի վկայություններից։ «...Ջորեղանալով այդքան,—գրում է Ստրաբոնը,—նա (Տիգրանը—Ս. Կ.) Օլիբերիայի մոտ քաղաք կառուցեց... որն անվանեց Տիգրանակերտ, քշելով-բերելով այնտեղ մարդիկ իր կողմից ավերված հելլենական տասներկու քաղաքներից»²²։ Մի ուրիշ տեղ, Կապադովկիայի Մաժաք քաղաքի պատմությունն անելիս, Ստրաբոնը գրում է. «Վատ վերաբերվեց նրանց (մաժաքցիներին—Ս. Կ.) Տիգրան Արմենը, երբ արշավեց Կապադովկիա։ Նա բոլորին տեղափոխեց Միջագետք և Տիգրանակերտը մեծ մասամբ բնակեցրեց (συνώχλησε) նրանցով»²³։

Մենք հակված ենք ենթադրելու, որ Ստրաբոնը գիտեր Տիգրանի երկու տարբեր արշավանքների մասին։ Դրանցից առաջինը, որի ժամանակ Տիգրանը ավերել էր հելլենիստական տասներկու քաղաքներ, տեղի էր ունեցել նախքան հայ-պոնտական դաշինքի կնքումը և Միհրդատյան պատերազմները²⁴։ Տիգրանի երկրորդ արշավանքը Կապադովկիա, որի ժամանակ նա ավերել էր Մաժաքը, անկասկած, տեղի էր ունեցել Միհրդատյան երկրորդ պատերազմի ընթացքում, որի մասին Ապպիանոսը մանրամասն խոսելիս, ի միջի այլոց հաստատում է Ստրաբոնի վկայությունը՝ գրելով. «Իսկ Արմենը (Տիգրանը—Ս. Կ.) գերեվարելով Կապադովկիան, մոտ երեսուն բյուր մարդկանց տեղահանելով բնակեցնում էր (συνώχλησε) նրանց ուրիշների հետ այն վայրում, որտեղ առաջին անգամ իր գլխին դրեց Հայաստանի թագը և որը իր անունով կոչեց Տիգրանակերտ...»²⁵։

Այս վկայությունները հաստատում է նաև Պլուտարքոսը, նշելով, որ Տիգրանակերտում «ապրում էին շատ հույներ, որոնք բռնի կերպով տեղահանվել էին Կիլիկիայից, ինչպես նաև մեծ թվով բնիկների ասորիներ, կորդուքներ և կապադովկիացիներ։ Արքան (Տիգրանը—Ս. Կ.) ավերեց նրանց քաղաքները, իսկ բնակչությանը իր հետ բերելով՝ ստիպեց ապրել այստեղ»²⁶։ Վերոհիշյալ վկայություններին համերաշխ է նաև Դիոն Կասսիոսի հաղորդած մի տեղեկությունը։ Խոսելով Լուկուլլոսի կողմից Տիգրանակերտի գրավման մասին, նա այդ փաստը կապում է առավելապես այն այլազգիների ապստամբության հետ, որոնք բերվել ու բնակեցվել էին այնտեղ (τῶν ἑξῆς τῶν βασιλέων—χοῦντων)²⁷։

Առանձնապես հետաքրքիր է անտիկ հեղինակների տերմինսիրանությունը՝ Տիգրանակերտի բնակեցման մասին գրելիս։ Այսպես, Ստրաբոնն ու Ապպիանոսը օգտագործում են συνώχλησε (բնակեցրեց սինոյկիսմոսի եղանակով) բայը, իսկ Դիոն Կասսիոսը՝ նույն բայի դերբայական ձևը (βασιλεύοντων)։

²¹ Այս հանգամանքը մատնանշել է նաև Մ. Բ. Ռոստովցևը (SEHW, էջ 856)։

²² Strabo, XI, 14, 15.

²³ Նույն տեղում, XII, 2, 9.

²⁴ Հմմտ. Հ. Հ. Մանանդյան, Տիգրան Երկրորդը..., էջ 52, նույնի՝ Քննական տեսություն..., հատ. 1, էջ 154։

²⁵ Appian., Historia Romana, Lipsiae, 1879, Mithr., 67.

²⁶ Plut., Lucull., XXVI.

²⁷ Cass. Dio, XXXVI, 2.

Այս փաստը առավել քան պերճախոս կերպով վկայում է այն մասին, որ Տիգրանակերտը հիմնադրվել է և բնակեցվել սինոյկիսմոսի միջոցով, այնպես, ինչպես Փոքր Ասիայի հելլենիստական մի շարք քաղաքները:

Մեր մատենագիրները խոսում են Տիգրանի նվաճած երկրներից Հայաստան բերված զաղթականների և նրանց բնակեցման մասին, սակայն հազվադեպ են տվյալները փոքրասիական երկրներից Տիգրանի բերած զաղթականության վերաբերյալ: Միայն հոռենացին մի անգամ հիշատակում է Տիգրանի բերած հունական աստվածների և քրմերի մասին, «որ եկեալ էին ի Յունաց...»²⁸: Շարունակելով, հոռենացին Տիգրանի մասին վկայում է, որ «առեալ զերի բազում և ի Հրէիցն, նստի շուրջ Պտղոմայիդ քաղաքաւ»²⁹: Այնուհետև պատմահայրը ուղղակի խոսում է Հրեաստանից բերված գերինների Հայաստանի քաղաքներում բնակեցնելու մասին: «Իսկ թագաւորն Հայոց Տիգրան զգերութիւն հրէիցն նստուցեալ ի յԱրմաւիր և ի յաւանին Վարդգէսի. որ ի վերայ Քասաղ գետոյ...»³⁰: Դարձյալ՝ «Եւ զՀիւրկանոս կապելով ածեն Տիգրանայ հանդերձ գերութեամբն, և Տիգրան հրաման տայ Բարգապրանայ նստուցանել զգերին Հրէից՝ որ ի մարիսացւոց, ի քաղաքն Շամիրամայ»³¹:

Փափստոս Բուզանդը, Սասանյան Շապուհի Հայաստան կատարած ավերիչ արշավանքների պատմությունն անկիս, խոսում է հայկական քաղաքներից գերի տարված մեծ թվով հրեաների մասին և ավելացնում. «Ձայս ամենայն բազմութիւն Հրէից, զոր գերեցին տարան յերկիրն Հայոց, ածեալ էր յերկրէն պաղեստինացւոց մեծի թագաւորին Հայոց Տիգրանայ ի ժամանակին, յորժամ գերեաց նա և ած ի Հայս զբահանայապետն Հրէից զՀիւրկանոս զառաջին ժամանակաւ: Եւ Հաժ մեծ արքայն Տիգրան զամենայն զհրէութիւնն զայն՝ բնակեցուց ի քաղաքսն Հայոց յիւրում զարուն ի ժամանակին»³²:

Հունական աղբյուրները խոսում են Տիգրանի կողմից առավելապես հելլենիստական քաղաքների նվաճման ու ավերման մասին, մինչդեռ ազգային մատենագիրները խոսում են բացառապես Պաղեստինից բերված գերիները մասին: Այդ երկու կարգի աղբյուրներում պահպանված տվյալների համադրումով մենք կարող ենք ստանալ րեղհանուր գծերով այդ զեպքերի ճիշտ պատկերը. Տիգրան Բ-ն գերիներ է բերել Հայաստան և՛ Փոքր Ասիայի հելլենականացած քաղաքներից, և՛ Պաղեստինից ու Ասորիքից: Կարծում ենք, իրավացի են նրանք, ովքեր գտնում են, թե հունական աղբյուրների վկայությունը այն մասին, որ իբր այդ զաղթականությունը Տիգրանն ամբողջովին բերել ու բնակեցրել է Տիգրանակերտում, չի համապատասխանում իրականությանը և որ ավելի ճիշտ են այս հարցում հայկական աղբյուրները, որոնց համաձայն զաղթականների այդ հսկայական զանգվածը բնակեցվել է Հայաստանի մի շարք քաղաքներում, ինչպիսիք էին Տիգրանակերտը, Արտաշատը, Արմավիրը, Վանը և այլն:

Իր նոր մայրաքաղաքը կառուցելիս ու բնակեցնելիս Տիգրանը հիմնականում դիմելով հելլենական և սեմական տարրերն այնտեղ վերաբնակեցնելու

28 Մ ո վ ս ե ս հ ո ռ ե ն ա ջ ի, Բ, ԺԳ:

29 Նույն տեղում:

30 Նույն տեղում, Բ, ԺԶ:

31 Նույն տեղում, Բ, ԺԺ:

32 Փ ա վ ս ա ո ս Բ ու զ ա ն դ, Դ, ՄԵ:

միջոցին, այնուամենայնիվ, չէր կարող անտեսել Հայաստանի բնական ներքին հնարավորությունները ևս: Բացառապես օտարներով բնակեցված մի քաղաք չէր կարող հուսալի հենարան հանդիսանալ հայոց թագավորի համար: Ուստի նա Տիգրանակերտի կառուցման ու բնակեցման գործին մասնակից դարձրեց նաև հայկական տարրերին, ինչպես հասարակ ժողովրդին, ուսմիկներին, այնպես էլ վերնախավի ներկայացուցիչներին: Այդ մասին ավելի քան պարզորոշ վկայում են Պլուտարքոսն ու Ապպիանոսը: «Այստեղ նա հավաքեց,—գրում է Ապպիանոսը,—իր տերություն ամենահայտնի մարդկանց, սպառնալով նրանց, որ այն, ինչ չեն վերցնի իրենց հետ՝ կրոնագրավվի»³³: Իսկ Պլուտարքոսը հաղորդում է, որ «ինչպես քաղաքի հասարակ մարդիկ, այնպես էլ մեծամեծները թագավորին հաճոյանալու նպատակով իրար հետ մրցում էին քաղաքի կառուցման և բնակարանական համար»³⁴: Տիգրանի այս ձեռնարկումն ուներ քաղաքական խոշոր նշանակություն: Հայերին ևս բնակեցնելով նոր մայրաքաղաքում, իր համար նա ստեղծում էր որոշ հենարան: Դրան կասկած չկար, որ «Պաշարեց (Լուկուլլոսը—Ս. Կ.) Տիգրանակերտը: Նրան ուժեղ կերպով տանջեցին բարբարոսները (իմա՝ հայերը—Ս. Կ.) և՛ նևտաձգությամբ, և՛ պաշարողական մեքենաների վրա նավթ լցնելով»³⁵: Դրան հակառակ, Փոքր Ասիայի հելլենական քաղաքներից բոնի փոխադրվածները վճռական պահին դավաճանեցին ու քաղաքը հանձնեցին Լուկուլլոսին³⁶: Մյուս կողմից, հայ մեծամեծներին ստիպելով հաստատվել Տիգրանակերտում և ապրել իր հետ, Տիգրանը ավելի հեշտությամբ կկարողանար վերահսկել նրանց գործունեությունը և աճմիջապես կանխել նրանց կողմից հավանական որևէ ապստամբություն իր դեմ: Եվ, վերջապես, նա դրանով հնարավորություն էր ստանում հայ մեծամեծների նյութական միջոցները ևս ներդնելու նոր քաղաքի կառուցման գործում:

Հայկական հնագույն քաղաքների առաջացման քաղաքական պատմությունը շարադրելու առիթով մենք արդեն խոսել ենք Հայաստանի պատմության մեջ նկատված մի եզակի դեպքի՝ Արշակավանի կառուցման մասին³⁷: Այժմ, սինոյկիսմոսի հարցը քննելու կապակցությամբ, անհրաժեշտ ենք համարում նշել, որ Արշակի քաղաքի կառուցումն ու բնակեցումը յուրօրինակ մի սինոյկիսմոս էր: Փ. Բուզանդի և Մ. Խորենացու մոտ պահպանվել է իր հակառակորդ նախարարներին տնտեսական ու սոցիալական հենարանից զրկելու նպատակով Արշակ թագավորի հրապարակած հրովարտակի բովանդակությունը, որով նոր հիմնվող այդ քաղաքում ապաստանողները ազատվում էին ամեն տեսակ հետապնդումներից: Ուստի շուտով Արշակավանը դառնում է հալածվածների հավաքատեղին և աճելով վեր է ածվում լրացմամարդ քաղաքի:

Արշակավանի հիմնադրման պատմությունը շատ բանով հիշեցնում է մ. թ. ա. II դարի սկզբներին հելլենիստական աշխարհում ծագած սոցիալական խոշոր և ամենահետադրորդ շարժումներից մեկը՝ կապված Սպարտայի թա-

³³ Appian., Mithr., 84.

³⁴ Plut., Lucull., XXVI.

³⁵ Cass. Dio, XXXVI, 1.

³⁶ Նույն տեղում, 2: Appian., Mithr., 86.

³⁷ С. М. Кр я ш а р я н, Возникновение городов в Армении во II в. до н. э. — III в. н. э., Научные доклады высшей школы, «Исторические науки», 1961, № 4.

ղավոր նարիսի անվան հետ: Դեռևս մ. թ. ա. III դարի կեսերին բնատնտեսության քայքայումը Սպարտայում վերջ էր դրել լակեդեմոնացիների ավանդական հավասարությանը՝ հիմնված հողի հավասար բաժանման և անօտարելիության սկզբունքի վրա: Քաղաքացիների թիվը նվազելով հասել էր 700-ի, որոնցից միայն 100-ը հողակտոր ունեւ: Երիտասարդ Ադիս թագավորը 243 թ. փորձեց արմատական ռեֆորմ անցկացնել հողերի վերաբաժանման և պարտքերի մարման նշանաբանով: Բայց 241 թ. նա սպանվեց: Նրա զործր շարունակեց կլեոմենեսը (235—222), որի երկարատև պայքարը նույնպես ձախողվեց: Ի վերջո նարիսին հաջողվեց մ. թ. ա. II դարի սկզբներին այդ նույն նշանաբանով անցկացնել հեղափոխիչ միջոցառումներ, իր ետևից տանելով ժողովրդական լայն զանգվածներին: Նարիսը Սպարտան հայտարարեց անձեռնմխելի (αγία) և ապաստան տվեց բոլոր իր մոտ փախչողներին:

Նարիսի միջոցառումների վերաբերյալ հույն հեղինակների գնահատականները համեմատելով Արչակաւանի մասին Բուզանդի և Խորենացու տվյալների հետ, տեսնում ենք, որ և՛ սրանք, և՛ նրանք խիստ բացասաբար են վերաբերվում թագավորների միջոցառումներին: Ինչ չափով որ Պոլիբիոսը մեղադրում է նարիսին բռնապետության մեջ, այնչափով էլ հայ մատենագիրները մեղադրում են Արչակին անհավատության և անիրավության մեջ: Երկու դեպքում էլ պատմագիրների կողմից տրված միանման ժխտողական գնահատականը, մեր կարծիքով, կարևոր ցուցանիշ է այդ երկու երևույթների համանման բնույթի մասին:

Արտաշատի և Տիգրանակերտի բնակեցման օրինակով մենք փորձեցինք ցույց տալ, որ Հայաստանում անցկացվող սինոյկիսմոսը շատ բանով նման է եղել հելլենական աշխարհում կիրառվող սինոյկիսմոսին: Այսուհանդերձ դրանց միջև կա մի էական տարբերություն: Փոքր Ասիայի հելլենականացած երկրներում, որտեղ զարգացած էր քաղաքային կյանքը, սինոյկիսմոսը ուներ տեղական բնույթ և կիրառվում էր տեղական բազայի հիման վրա, մինչդեռ Հայաստանում կիրառվող սինոյկիսմոսն ընդգրկում էր հեռավոր երկրների բնակիչներին: Դա բացատրվում է նրանով, որ Փոքր Ասիայում զարգացած քաղաքային կյանքը և մեծաքանակ քաղաքային բնակչությունը հնարավորություն էին տալիս հենց տեղում լուծելու նոր քաղաքի բնակեցնելու հարցը, մինչդեռ Հայաստանում դեռևս չկային մեծ քաղաքներ և քաղաքային համապատասխան բնակչություն: Ուստի հայ թագավորները ստիպված էին այդ բնակչությունը համարել հեռավոր երկրներից:

Այսպիսով, հելլենիստական աշխարհում սինոյկիսմոսի եղանակով նոր քաղաքների հիմնադրման պատմության ընդհանուր ֆոնի վրա հայկական հնադույն քաղաքների առաջացման վերաբերյալ աղբյուրներում պահպանված տվյալների ուղղորդ քննարկումը մեզ հանգեցնում է այն եզրակացության, որ հելլենիստական ամբողջ աշխարհն ընդգրկած քաղաքաշինության հսկայական պրոցեսում ներգրավվել էր նաև Հայաստանը և հայկական քաղաքների առաջացումը հանդիսանում է պատմական այդ խոշոր երևույթի կարևոր օղակներից մեկը:

СИНОЙКИЗМ В ЭЛЛИНИСТИЧЕСКОЙ МАЛОЙ АЗИИ И АРМЕНИИ

С. М. КРКЯШАРЯН

(Р е з ю м е)

Эллинистическая эпоха на Востоке ознаменовалась бурным градостроительством. Главным способом основания и заселения новых городов являлся синойкизм (переселение жителей). Если раньше синойкизм возникал стихийно, то в эллинистическое время его проводили сами монархи. При синойкизме обычно сливались два или несколько меньших городов в один большой. Иной раз сливались не города, а поселения и деревни. И, наконец, жители одного места насильно перемещались царем во вновь построенный город. В тех эллинистических странах Малой Азии, где издревле существовала развитая городская жизнь, синойкизм производился на местной базе. В Армении же, где городского населения и так не хватало, армянские цари были вынуждены переселять чужестранцев.

В эллинистической Армении намечаются два вида синойкизма: переселение чужестранцев и переселение жителей внутри страны с одного места на другое. В обоих случаях синойкизма цель была одна, а именно — привлекать население в новый город путем предоставления различных привилегий, причем цари стремились таким путем создавать для себя социально-экономическую опору в борьбе против внешнего врага и для предотвращения внутренних социальных движений.

Изучение синойкизма в Армении еще с одной стороны подтверждает, что Армения тоже была вовлечена в грандиозный процесс эллинистического градостроительства и что возникновение армянских городов того времени является важным звеном этого исторического процесса.